

尚書今古文考證

尚書今古文攷證卷四

武進莊述祖葆琰

周書

召誥

太保乃以庶邦冢君出取幣乃復入錫周公曰
出字絕句取幣乃復入句錫周公曰句

旅王若公誥告庶殷

誥字屬上句讀告庶殷句

厥終智藏瘝在

智藏當作知臧

夫知保抱攜持厥婦子以哀籲天徂厥亡出執

夫猶此也篇文知疾相近知當爲疾害也此在位之
病民者也民攜持其妻保抱其子以哀呼天而在位
之病民者惡其害已伺其逃亡而出執之徂徂通病
也傳釋往誤

王乃初服嗚呼若生子罔不在厥初生

論衡率性篇引此作今王初服厥命於戲若生子罔
不在厥初生蓋今文也江聲從之按東晉古文脫今
厥命三字今文脫乃字宜讀今王乃初服厥命句
散以王之讐民百君子越友民

讐匹也匹民二王之後百君子卽殷御事友民謂諸侯猶友邦也

洛誥

朕復子明辟

復白也辟法也明辟明堂之法也周禮太僕掌諸侯之復逆鄭司農云復謂奏事也宰夫諸臣之復鄭司農云復請也元謂復之言報也反也反報於王謂於朝廷奏事小臣掌三公及孤卿之復逆

佯來以圖及獻卜

佯來以圖句

王肇稱殷禮

易言殷薦書言殷禮其義正同不必拘漢經師舊解
今王卽命曰記功宗以功作元祀

此言宗祀文王於明堂以配上帝也功臣祭於大雩
其說始於僞孔蔡傳從之誤曰當作越今王卽命句
越記功句宗字屬下句讀

乃汝其悉自教工

大傳引此作乃女其悉自學功悉盡也學效也白虎
通釋名皆云教效也是今文雖作學亦讀胡孝反同
東晉古文說矣按蔡邕明堂月令論引易傳太初篇

曰大學在中央天子所自學也又引魏文侯孝經傳
曰大學者中學明堂之位也此言明堂爲天子所自
學學讀如字工當從大傳作功

厥若辨及撫事如予惟以在周工
撫事絕句如予惟以在周工句

公曰已

已當讀熙

頒朕不暇聽朕教汝于衆民辨汝乃是不獲乃時惟不
永哉

此下皆述武王度邑之訓以戒成王頒朕聽朕之朕

皆當作侯古文訓字不服當作不瑕度邑作大環字
之誤也乃是之乃當作直說文直驚聲也或曰直往
也讀若仍經典借作乃寢卽寢字之訛七荏切頒訓
不瑕謂布文武之大訓遠也仍是不寢亦指度邑言
成王當以武王之心爲心仰而思之夜以繼日也不
永永也

篤敘乃正父罔不若予不敢廢乃命

正父謂公卿三事大夫若順也篤敘句乃正父罔不
若句予字屬下句讀

彼裕我民無遠用戾

彼裕句我民屬下句讀

公稱丕顯德以予小子揚文武烈奉答天命和恆四方
民居師

大傳引此作揚文武之德烈奉對天命和恆萬邦四
方民是今文和恆萬邦絕句

惟公德明光于上下勤施于四方旁作穆穆迂衡不迷
大傳明光作光明旁作穆穆句迂衡不迷句

文武勤教予冲子夙夜毖祀

文王有聲通駿有聲通求厥寧通觀厥成文之勤也
鎬京辟雍自西自東自南自北無思不服武之教也

文王之勤武王之教于坤子所夙夜慎祀者也中庸
所謂成文武之德

予小子其退卽辟于周命公後

退逡遁也言少緩也說文復遲行也成王言且遲卽
新邑行惇宗之大禮先於錫京命伯禽也辟錫京之
辟雍也予小子其退卽辟句于周屬下句讀

四方迪亂未定于宗禮亦未克

四方迪亂未定句于宗禮亦未克句

公定予往已公功肅將祇歡

公定予往句已公功句已讀若熙

公無困哉我惟無斁其康事

漢書元后傳杜欽傳引公無困我蓋哉我形相近而
倒亂也宜讀公無困我哉句惟無斁其康事句

越乃光烈考武王宏朕恭孺子來相宅其大惇典殷獻
民亂爲四方新辟作周恭先

朕當作佚古文訓字大傳曰以揚武王之大訓是今
文本作訓也越乃光烈考武王宏訓句恭孺子來相
宅句其大惇典句殷獻民亂爲四方新辟卽召誥所
謂庶殷丕作是也故曰作周恭先

考朕昭子刑

朕當作訓

無有遘自疾

自當化罪逸周書祭公曰文無以戾罪疾孔晁注罪疾謂已所行是彼註亦從洛誥讀自矣不必破字

其永觀朕子懷德

朕當作訓其永觀訓句

戊辰王在新邑孫祭歲文王駢牛一武王駢牛一王命作冊逸祝冊惟告周公其後

按戊辰王在新邑是成王八年正月朔旦冬至也鄭氏以爲成王元年蓋沿尚書家師說以下惟七年爲

紀周公居攝之季故謂八季爲元季也烝祭歲歲謂
日至周之初歲也烝蒸通燎也禮祀用燎非冬祭之
烝成王以七年十二月初至洛邑至則告文武於廟
命周公後成王本欲於鎬之辟雍命公後而以秬鬯
二卣使周公於洛之明堂告太平於文武以明公功
且言已不敢當之意周公則以紿殷之事爲成王命
已者至於太平制作乃王之成績非臣下所敢稱
成王卽以其年十二月至洛也成王祀于新邑廟
無文宜先郊後廟而以十二月告文武于廟八年正
月朔旦冬至祭天者蓋以命公後而告文武于宗廟

與時祭異故用特牛蓋戊辰烝祭南郊之祭卽夏時
之正月启蟄初歲祭也入太室禋明堂之祭也戊辰
爲入年之元日明堂特祭文武告周公後爲七年十
有二月自是二事劉歆鄭康成說俱非也駢當作埤
王賓殺禋咸格王入太室禋

殺當爲秉古文布與秉形近而誤詳說文古籀疏證
格當爲嘏格假嘏古通王賓秉禋句咸嘏王句王賓
二王之後秉禋卽奉璋也嘏王致嘏辭也太室清廟
中央之室室中二禋此祭文王武王王初禋各一王
賓亞禋亦各一詩云殷士膚敏禋將于京是也

多士

爾殷遺多士弗弔旻天大降喪于殷

弔古文第字讀爲淑善也弗淑猶言不造不幸也
非我小國敢弋殷命

釋文弋徐音翼馬本作翼義同

惟天不畀允罔固亂弼我我其敢求位

江聲從薛季宣書古文訓作恣亂云古怙字郭夏皆
以恣爲尚書固固不當从心郭夏又無古文怙江說
是不畀允句與多方不畀純同罔怙亂句

惟天明畏

釋文明長如字一音威讀威是

上帝引逸有夏不適逸則惟帝降格嚮于時夏弗克庸
帝大淫佚有辭惟時天罔念聞

江聲云引逸謂引進遺逸之賢言天欲人君任賢也
不適言不進賢也大傳曰一不適謂之過再不適謂
之敖三不適謂之誣釋文于時夏馬以時字絕句洪
音逸又作佾馬本作屑云過也按庸帝之帝當爲適
壞字也言湯貢伊尹於桀桀不能用也嚮于時句夏
弗克庸適句

罔不明德恤祀

史記魯世家恤祀作率祀

殷王亦罔敢失帝罔不配天其澤

失當爲洗澤當爲敷終也罔敢洗絕句帝字屬下讀
曲禮措之廟立之主曰帝鄭氏注云同之天神故曰
帝罔不配天言莫不善其終也史記作帝無不配天
者帝字亦屬下讀

惟我事不貳適惟爾王家我適予其曰惟爾無虐我不
爾勤自乃邑予亦念天卽于殷大夏肆不正

此言武王勝殷殺紂立武庚祀之事也公羊春秋錄
若之子不立三王通義禮喪服小記父爲天子諸侯

子爲士祭以士其尸服以士服鄭注謂諫君也武王
念殷紂身膺天討而立武庚以奉殷祀非正也天惟
五季須暇之武王何敢遂黜之孟子所謂聖人之于
天道也命也

猷告爾多士

當作告猷爾多士

時惟天命無違朕不敢有後

漢石經作維天命元朕不敢有下闕按不敢有後卽
無違今文義長召誥曰位在德元是也時字衍無違
二字衍

王曰多士昔朕來自奄予大降爾四國民命我乃明致天罰移爾遐逝比事臣我宗多遜

此言成王黜殷命殺武庚誥庶邦之事卽多方是也漢石經多士上有告爾二字按文義當移多方篇爾惟克勤乃事克閔于乃邑謀介接讀移爾遐逝句下比事臣我宗多遜卽召誥之庶殷丕佶洛誥之殷獻民亂爲四方新辟是也

王曰告爾殷多士今予惟不爾殺

王曰至爾殺十三字當移入多方篇

予惟四方罔攸賓

釋文攸資如字徐音殯卻也

爾乃尚有爾土爾乃尚寧幹止爾克敬天惟昇矜爾爾
不克敬爾不肖不有爾土予亦致天之罰于爾躬

釋文寧徐本作翹宋王柏書疑謂多方自王曰嗚呼
猷告爾有多方士以下是此篇錯簡亦宋人改經積
習但謂多士夏迪簡在王庭有服在百寮與多方迪
簡在王庭尚爾事有服在大僚是一篇前後相應不
爲無見惟多方述成王伐奄時事未營洛邑不得云
自時洛邑多方作於成王三季商邑甫定辭較厲而
嚴肅多士作於成王八季成周既成辭和風而甘雨

故此篇爾乃尚有爾土至爾躬四十字與多方爾乃
自時洛邑尚永力畋爾田天惟畀矜爾我有周惟其
大介齊爾迪簡在王庭尚爾事有服在大僚三十九
字彼此錯簡當互易之

王曰又曰時予乃或言爾攸居

王曰下當重讀爾小子乃與句又曰二字衍說見康
誥乃或當作故國古文尋弓故字形相近詳說文古
籍疏證或卽古文國字言我也言我與爾子孫居
日久今雖新邑後卽故國自我與爾爲始居也賡予
故國句言字屬下讀

無逸

君子所其無逸先知稼穡之艱難乃逸

石經逸作勑穡作裔

乃諺既誕否則侮厥父母曰昔之人無聞知

漢石經乃諺既誕作乃憲既延否作不按史記云毋
逸稱爲人父母爲業至長久子孫驕奢忘之以亾其
家爲人子可不慎乎訓憲爲業訓延爲久是太史公
從安國問者亦同今文矣否當爲丕石經丕否皆作
不按傳注憲無業訓憲讀爲願尚書或借憲作願願
本借字也史記原憲字子思是憲有思義與願同爲

借字矣宜讀乃憲既延句

嚴恭寅畏天命自度治民祇懼不敢荒寧

釋文嚴馬作儼漢石經自度作自亮治民作以民史
記祇作震古文傳曰言大戊嚴恪恭敬畏天命用法
度爲政敬身長懼不敢荒怠自安疏既順文釋之又
鄭氏云恭在貌敬在心然則嚴是威恭是貌敬是心
三者各異故畢言之按傳義當讀儼恭寅畏天命句
自度治民句祇懼不敢荒寧句疏亦同不知注疏本
其附傳於經何以割裂句度如此也

其在高宗時舊勞于外

中論天壽篇引作是舊勞于外時字向下讀

乃或亮陰三季不言其惟不言言乃雍不敢荒寧嘉靖
殷邦

史記魯世家陰作闇雍作驪嘉作咨乃或亮陰三季
句不言句其惟不言言乃雍句

五十有九季

史記作五十五季漢石經作百季

舊爲小人

史記作久爲小人于外

能保惠于庶民不敢侮鰥寡

史記作保施庶民無于字不下無敢字

肆祖甲之享國三十有三季

古文傳及劉歆毀廟議以祖甲爲大甲馬鄭以爲祖
庚弟帝甲石經三十作卅

生則逸生則逸不知稼穡之艱難不聞小人之勞

中論天壽篇不重生則逸句不聞小人之勞作不知
小人之勞苦按勞下應有苦字

惟耽樂之從自時厥後亦罔或克壽

論衡語增篇引作惟湛樂是從時亦罔有克壽中論
亦作是從自時厥後二句同東晉古文

厥亦惟我周太王王季

厥亦惟我周絕句

文王卑服

釋文卑服馬本作俾使也

懷保小民惠鮮鰥寡

漢石經作懷保小人惠于矜寡漢書谷永傳同鮮當
作于

自朝至于日中昃不遑暇食用咸和萬民文王不敢盤
于遊田以庶邦惟正之供

楚語引作文王至于日中昃不皇暇食惠于小民唯

政之恭是約經文引之江聲據國語及石經漢書所
引謂以庶邦以萬民皆衍文然據石經自亮以民卽
以萬民唯政之恭義但此庶邦與上萬民互錯耳用
咸和庶邦句以庶邦應讀以萬民供當作共

繼自今嗣王則其無淫于觀于逸于遊于田以萬民惟
正之供

漢書谷永傳引作繼自今嗣王其毋淫于酒毋逸于
遊田惟正之共漢石經殘碑有酒字是觀字異文隸
釋云孔作淫非也又有毋勑于遊田維六字是今文
于逸作毋勑遊下無于字供作共與漢書同亦無以

萬民三字宜讀無注于酒句無逸于遊田句

無皇曰今日耽樂

石經皇作兄古况字

民無或胥請張爲幻

釋文請馬本作轉毛詩爾雅作倂同說文言部予部
引作無或請張爲幻無民字胥字宜從說文讀無或
請張爲幻句

此厥不聽人乃訓之乃變亂先王之正刑

漢石經聽作聖又作人乃訓變亂正刑無之乃二字
無先王之三字按不聽當作不聖詩曰或聖或否下

此厥不聽同訓當作馴假借字宜讀此厥召聖句人
乃馴變亂先王之正刑句

民否則厥心違怨否則厥口詛祝

否字俱讀丕

則皇自敬德

漢石經皇自作兄曰正義鄭以皇爲暇言寬暇自敬
王肅本皇作況況溢益用敬德也王說與今文相近
惟曰字作自耳作況是

嗚呼嗣王其監于茲

漢石經作於戲嗣王監于茲無其字

君爽

弗弔天降喪于殷

弔古文叔字說見大誥

其終出于不祥

釋文其終馬本作崇云充也漢石經作道不祥石經
作不詳

嗚呼君已曰時我

釋文君已音以按已當音記卽說文近字君字絕句
已曰時我句

邇佚前人光在家不知天命不易天難諶乃其墜命弗

克經歷

漢書王莽傳引作命不易天命裴謚乃亡隊命宜讀
遏佚前人光在家句不知天命不易句

迪惟前人光施于我沖子又曰

當重讀施于我沖子句又曰二字重文省也見康誥
天不可信我道惟寧王德延天不庸釋于文王受命

寧王武王也德得通延長也庸用釋舍也言我爲寧
王祈天永命惟得永延而天不可信僅止二季文王
所受純佑之實命不幾失隊乎哀痛迫切情見乎辭
矣

在昔上帝劓申勸宣王之德其集大命于厥躬

緇衣引作在昔上帝周田觀文王之德注古文周田
觀文王之德爲劓申勸宣王之德今博士讀爲厥亂
勸宣王之德是明我新造邦以下十五字今文所無
鄭讀劓爲蓋按劓害字之誤害易通在昔上帝句害
申勸宣王之德句

亦惟有若號叔有若閔天有若散宜生有若泰顛有若
南宮括又曰

當重讀若號叔若閔天若散宜生若泰顛若南宮括
五句又曰二字重立句也

乃惟時昭文王迪見冒聞于上帝

昭文王迪見句冒聞于上帝句

昭武王惟冒

說文瞶低目視也周書曰武王惟瞶按瞶當爲冒聞
于上帝之瞶古文作冒假借字也天在上視下故曰
瞶與康誥同惟冒之冒當爲勛與康誥乃寡兄勛同
勛亦從冒亦假借字下不冒同昭武王惟勛句

公曰前人敷乃心乃悉命汝化汝民極曰汝明勛偶王
在亶乘茲大命惟文王德丕承無疆之恤

此述武王之顧命以厲召公也言文武未竟之志悉

以命女作民之極明勛皆勉也偶輔也秉承通曰定
明句勛偶王句在直乘茲大命句惟文王德丕承句
告汝朕允

朕當佗俟古訓字

其汝克敬以予監于殷喪大否

其汝克敬句以宜佗已熙音以予屬下讀

予不允惟若茲誥

不同丕

祇若茲徃敬用治

祇當佗振振若茲徃敬用治句

多方

猷告爾四國多方

當作告猷爾四國多方

因甲子內亂

正義云鄭王皆以甲爲狎

罔不惟進之恭洪舒于民亦惟有夏之民以愷日欽剿
剗夏邑

丕當爲不進書古通蒼頡云費財貨也見史記呂不
韋傳索隱漢書高帝紀師古注恭當作共江聲從書
古文訓舒作茶云茶苦也夏下當有氏字說文證

戾也周書曰有夏氏之民叨丕丕讀若聿欽當爲厥
亦惟有夏氏之民叨憤句曰厥屬下句讀

克以爾多方簡代夏作民主

克以爾多方句簡字屬下句讀

今至于爾辟弗克以爾多方享天之命嗚呼

江聲曰辟君也爾君謂紂也爾君承先王之德澤而
不能以爾多方享天之命可慨也夫

大惟五季須暇之子孫

詩正義引鄭氏尚書注夏之言暇是古今文皆作夏
東晉古文從鄭讀暇也世父尚書說五季謂武王

在位五季下五祀同舊說皆誤

爾昌不忱裕之于爾多方爾昌不夾介乂我周王享天之命

夾音淡詳梓材篇內不忱不夾句

圖忱于正

忱當作抗詳盤庚篇內

猷告爾有多方士

當作告猷爾有方多士

越惟有胥伯小大多正

大傳胥伯作胥賦正作政是

爾惟克勤乃事

爾惟六字移多士篇內

爾尚不忌于凶德

說文云耆忌也周書曰爾尚不耆于凶德段校說文
宋本及諸本類篇皆作上不耆于凶德尚作上無爾
字是

亦則以穆穆在乃位克閱于乃邑謀介爾乃自時洛邑
尚永力畋爾田天惟畀矜爾我有周惟其大介資爾迪
簡在王庭尚爾事有服在大僚

克閱于乃邑謀介七字移多士篇內爾乃自時洛邑

至在大僚三十九字易多士篇爾乃尚有爾土至爾躬四十字說見多士穆穆在乃位下當接讀多士篇王曰告爾殷多士今予惟不爾殺爾乃尚有爾土爾乃尚寧幹止爾克敬天惟昇矜爾爾不克敬爾不啻

釋文徐本作翅

不有爾土予亦致天之罰于爾躬

我不惟多誥我惟祗告爾命又曰時惟爾初

時惟爾初句上當重讀我不惟多誥句又曰二字重

文省也

尚書今古文攷證卷五

武進莊述祖葆

周書

立政

常伯常任準人

說文攷進也周書曰常故常任漢石經準作辟按以
常伯爲侍中是今文家言與司徒司馬司空爲天子
三公同

謀面用丕訓德

漢石經作亂謀面用下關東晉古文脫亂字又依誤

文爲之傳今改正謀上當有亂字不當作不訓順通
桀德惟乃弗往任是惟暴德罔後

弗拂通戾也多方謂之璽璽亦戾也桀德惟乃弗絕
句不言常任言往任者亂是所用無常人也往猶徂
也君所任使往來也後當作倭字形相近而誤

曰三有倭

倭當作會詳灼見三有倭心下

其在受德暨

說文忝彊也周書曰在受德忝讀若旻

帝欽罰之乃倖我有夏式商受命奄甸萬姓

欽嚴也。欽嚴同聲轉注字本通也。或讀吟亦嚴也。
文夏作會與會字相近故以會爲夏有會卽上三有
會也。式商言法湯之大法也。欽當作嚴乃倅我有會
式商句受命奄甸萬姓句。

灼見三有俊心以敬事上帝立民長伯立政

漢石經作有會心以敬事下闕是今文俊作會會合
也聚也言俊又皆合聚於其官也俊當作會上曰三
有俊之俊亦當作會下俊有德之俊同皆東晉古文
以三宅三俊宅俊相對改會作俊不知三俊乃言會
於三宅之俊本不與三宅並舉而言傳又誤解三宅

經義益晦矣說文焯明也周書曰焯見三有俊心或
据此以駁石經然說文亦有傳寫之失以大義求之
石經本爲長立民長伯立政句

虎賁綴衣趣馬小尹左右攜僕百司庶府大都小伯藝
人表臣百司

小尹絕句左右攜僕百司句庶府大都小伯句藝人
表臣百司句

文王惟克厥宅心

漢石經作王維厥度心乃下闕無克字度宅通
以克俊有德

後當作會已見上

文王罔攸兼于庶言庶獄庶慎惟有司之牧夫是訓用
遠

庶言絕句訓順通

率惟牧功不敢替厥義德率惟謀從咨德

率惟牧功不敢替句厥義德率惟謀句

以並受此丕丕基

漢石經作受茲率率其

我其立政立事準人牧夫

立政絕句立事準人牧夫句下同

我其克灼知厥若不乃俾亂

丕當作否克灼知厥若否句乃俾亂句

時則勿有聞之自一話一言

論衡時零篇引作時則物有聞之作物是

子旦已受人之微言

漢石經作旦以前人之微言下闕今從之

不訓于德是罔顯在厥世

訓順通漢石經作訓德無于字在作哉云是罔顯哉

厥世哉載通成也在終也宜讀是罔顯載厥世句

繼自今立政其勿以愷人

說文譌問也周書曰勿以譏人無其字是借譏作儉
儉誠也儉利於上佞人也古文多假借今改儉字是
趨自今句立政勿以儉人句

以勸文王之耿光

漢石經耿光作鮮光

顧命

此篇止叙顧命及詰諸侯之事未嘗及喪紀解者皆
誤會卽受命還出綴衣于庭及命仲桓南宮毛呂伋
送往事居君臣之義略見於此

惟四月夢生魄王不懌

漢書律歷志引作惟四月哉生霸王有疾不豫釋文
釋音亦馬本作不釋云不釋疾不解也

乃同召太保爽芮伯彤伯畢公衛侯毛公師氏虎臣百
尹御事

漢書古今人表彤伯作師伯虎臣作龍臣毛伯彛曰
王享嗣孫左氏毛爲文昭故曰王享毛伯嗣世爲諸
侯故曰嗣孫

用克達殷集大命

漢石經作通殷就大命

在後之侂敬迓天威

漢石經在下闕說文訓共也一曰諫也周書曰在夏
后之訓玉篇愁火含切愚也癡也說文借諫作愁諫
訓誕非訓義也釋文侗音同又勅勅反馬本作訓云
共也按孔安國論語侗而不愿注侗未成器之人也
釋文音通說文大也音同義異是說文不以侗爲本
字也後當從說文作后言繼體之君也訓訓爲共是
夏如字讀按夏讀爲假攝也言攝君者謙辭訓亦謙
辭也迂當化御在夏后之侗句散御天威句

爾尚明時朕言

朕當作佚訓也

爾無以劍冒貢子非幾茲既受命還出綴衣于庭

貢當作慙說文愚也馬鄭王皆作贛非當作裴備也
冒慙猶言蠢愚謂無以元子蠢愚當往備以庶幾此
也畢召親受話言如此何至以嗣王冒進於非危之
事乎冒慙句于裴幾茲句既當從漢石經作卽卽受
命句

越翼日乙丑王崩

釋文馬本作成王崩

太保命仲桓南宮毛俾爰齊侯呂伋以二千戈虎賁百
人逆子釗於南門之外延入翼室恤宅宗

仲桓南宮毛王族故士也說文俾門侍人又云挾俾持也爰引也援通俾援謂挾持引之白虎通爵篇引此以逆子釗絕句高誘呂氏春秋注於在也廣雅於尻也延進也翼室東夾室士喪禮卽位踊襲經于序東復位注卽位踊東方位襲經于序東東夾前孔以爲路寢之室義亦通恤宅子位未斂室中牀東宗讀曰崇終也俾爰句逆子釗句恤宅崇句

伯相命士須材狄設

伯相卽太僕士小臣也命其屬故曰伯相喪大記曰復有林麓則虞人設階無林麓則狄人設階小臣復

則小臣與狄有喪紀之聯事矣周禮祭僕大喪復于
小廟隸僕大喪復于小寢大寢士或指小臣以下與
周禮司士大喪作士掌事又曰國有故則致士而頒
其守以王見諸侯在應門之內故特命之狄人則太
僕命之以掌燕朝之位也江聲讀須爲頒本玉藻鄭
注得之狄翟通狄設句

敷重篋席

篋說文作莫火不明也周書曰布重莫席織蒨席也
讀與蔑同莫結切按莫蔑之假借字衛包又改爲篋
俗字也

兌之戈和之弓垂之竹矢在東房

路寢之制如明堂皆五堂五室室之有北戶者曰房
南有戶牖北有牖無戶者曰室居中者曰太室居東
二室曰木室火室居西二室曰金室水室木室卽東
夾室水室卽西夾室中堂有兩楹東堂之東西堂之
西有牆爲東西序直火室之東金室之西序之外亦
曰東堂西堂又曰東箱西箱古宮室可攷之制如此
鄭以鎬京無明堂以及工記之明堂爲周公作洛之
制恐未然也

綴輅在阼階面

輅經典皆作路綴周官典路注引作贅訓次綴假借字也

先輅在左塾之前次輅在右塾之前

說文無塾字今用墀字而梁字注堂塾也蓋以墀訓梁後漢書劉伯升傳注塾東觀記續漢書竝作墀按釋宮門側之堂謂之塾注夾門堂也路寢門旁之左右塾直賓階阼階故云與玉路相對白虎通闕文云所以必有塾何欲以飾門因取其名明臣下當見於君必孰思其事孰與墀皆从章聲墀非正字則借墀不如借孰也俗作塾非

次兩階阼

阼當作阼說文阼廣臣也从阼已聲熙从得聲非阼切之阼傳曰堂廉曰阼是也古者天子之堂內階其堂廉有似人兩頤內陞似口故名堂廉爲阼也古文戶匠形相近說文誤以爲一字傳寫者失之或由後人附益詳五經小學述

一人冕執銳

銳當作銳說文銳待臣所執兵从金允聲周書曰一人冕執銳讀若允

上宗奉同瑱

同瑁是古文學貞字之譌詳五經小學述

大史秉書由賓階濟御王冊命曰

秉書顧命之冊書也御王絕句冊命曰句

命汝嗣訓臨君周邦率循大卞變和天下

命汝嗣絕句訓臨周邦句君字衍變和天下卽率循

大卞重文率爲變大爲天卞爲下和是變字之訓循

亦率訓也本文當以率大卞句無循字

其能而亂四方

古能而通而字當衍

乃受同瑁王三宿三祭三陀

同瑄二字作聲下同字皆作聲按宿當爲縮引也音
同茜江聲云宿當爲茜說文茜禮祭束茅加于裸圭
而灌鬯酒是爲茜象神歆之也春秋傳曰無以茜酒
咤說文作託奠爵酒也从口託聲周書曰王三宿三
祭三託當故切

太保降收諸侯出廟門侯

太保降句收當爲以形相近誤以諸侯出句廟門侯
句太保下堂以諸侯出畢門應門雉門而於文王廟
門侯者侯王受朝享也古者朝享皆受之於廟周公
宗祀文王爲文祖文子文孫受終之禮皆於是行焉

王出在應門之內

王出絕句凡正門皆謂之應門不必定是五門之應門也不受朝禮故不當宁

賓稱奉主

說文玠大圭也从王介聲周書曰稱奉介圭是古文借介爲玠也賓稱奉介圭句

敢執壤奠

執當爲摯摯壤言各以其國所有爲摯也敢摯壤句

王義嗣德答拜

嗣當爲詞字之誤詞辭古今字義辭同辭也下堂而

辭不受朝禮德升也升亦進也王義辭句德答拜句

康王之誥

大保暨芮伯咸進相揖皆再拜稽首曰

咸進絕句大保芮伯進而告誡於王王乃報誥於諸
侯自此以下爲康王之誥

昔君文武丕平富不務咎

昔君文武丕平句富不務咎句毛詩音義其務如字
爾雅云侮也讀者又音侮此從左傳及外傳之文

費誓

堯典疏孔以費誓在文侯之命後鄭以爲在呂刑前

今從鄭

善敘乃甲冑

史記魯世家敘訓陳

祗復之我商賚汝

史記祗訓敬徐廣曰一作振釋文商徐音章是

時乃糗糧無敢不逮

糗當作餽說文餽乾食也周書曰峙乃餽糧說文無

糧字蓋糧字之誤史記作糗糧逮誤及

魯人三郊三遂

史記遂作隧

呂刑

度作刑以詰四方

鄭氏周禮大司寇注引此作度作詳刑以詰四方大傳引作鮮度作刑以詰四方此古今文之異詳祥通釋詁祥鮮皆善也度作詳刑句

苗民弗用靈制以刑惟作五虐之刑曰法

緇衣引作苗民匪用命墨子引苗民否用練折則刑惟作五殺之刑曰法弗作否靈作練制作折皆一聲之轉也虐作殺義相近今與靈通皆善也

爰始淫爲劓剕桷鯨

桀當作斲說文斲去陰之刑也周書曰剕剕斲剕正
義云夏侯等書剕剕剕剕云臙官剕剕頭庶剕亦古
今文之異是漆書古文桀作剕也

虐威庶僂方告無辜于上

論衡變動篇引作庶僂方告無辜于天帝方作旁是
皇帝哀矜庶戮之不辜

釋文君帝君宜作皇字按君帝對上帝而言此謂顓
頊下謂帝舜於周法宜稱帝也從東晉古文

羣后之逮在下明明昧常鯀寡無蓋皇帝請問下民鯀
寡有辭于苗

墨子尚賢篇述作肆斐作不無作不古斐皆作非故
作不墨子羣后至不蓋在皇帝清問下民有辭有苗
曰下正義云鄭以皇帝哀矜庶戮之不辜至罔有降
格皆說嶺頊之事皇帝清問以下乃說堯事是漆書
本亦同墨子也墨子清問下民無鰥寡二字有辭于
苗作有辭有苗曰曰卽于也王應麟云趙岐注孟子
引甫刑曰帝清問下民無皇字此今文也故岐以帝
爲天上言君帝以別於上帝此言帝以別於王也趙
誤解斐當讀非非常猶非彝酒誥言紂之惡亦曰非
彝此非常謂有苗也鰥寡謂下民此舜伐三苗之事

尚書及禮卷五 三
也帝清問下民鰥寡句有辭于有苗句二句接罔有
降格下羣后之肆在下明明句非常鰥寡無蓋句二
句接有辭于有苗下

德威惟畏

表記作德威惟威墨子同句在無蓋下

折民惟刑

墨子尚賢篇作哲民維刑釋文馬鄭王皆作惹馬云
智也作惹是

惟殷于民

墨子尚賢篇殷作假是

士制百姓于刑之中

後漢書梁統傳引作爰制百姓于刑之衷作爰字是率又于民斐彛

率音律法也斐亦讀非

敬忌罔有擇言在身

表記引此罔有上有而字身作躬從之

播刑之施

緇衣引作播刑之不施鄭注不衍字耳按上文云爵祿不足勸也刑罰不足恥也故上不可以褻刑而輕爵既引康誥言慎刑又引甫刑證褻刑不非衍字鄭

以古今文皆脫不字而不察耳應讀播刑之不廸句
觀于五刑之中

以上文兩見刑之中此五字似衍

今爾罔不由慰曰勤

釋文曰勤一音曰傳義當作曰

天齊于民俾我一日

釋文俾我絕句馬本作矜矜哀也後漢書楊賜傳引
尚書曰天齊乎人假我一日注我謂君也天意欲整
齊乎人必假於君也今尚書文假作俾東晉古文句
讀誤當從後漢書作假蓋今文本如此

雖休勿休

漢書宣帝紀五鳳三年詔曰婁蒙嘉瑞獲茲祉福書
不云乎雖休勿休祇事不怠公卿大夫其勗焉帝自
言雖婁受天休敬事不懈怠故又勉公卿大夫或以
爲書辭誤

王曰吁來有邦有土告爾祥刑在今爾安百姓何擇非
人何敬非刑何度非及

墨子尚賢篇吁作於釋文馬本作于于於也有邦有
土汲古本史記作有國有土監本作土正義申傳意
云有邦國有土地是注疏皆作土然土義實勝或古

今文之異墨子祥刑作頌刑爾安百姓作而安百姓
非人之非作言非刑非及之非皆作不按訟當爲頌
古文以爲容字頌刑者寬刑也墨子云能擇人而敬
爲刑堯舜禹湯文武之道可及也以義求之非人當
從今本不及當從墨子史記作何居非其宜與是度
爲宅訓居及訓與也釋文度待洛反馬云造謀也作
傳者誤會史記改與爲乎訓及爲宜失之矣

五過之疵惟官惟反惟內惟貨惟來其罪惟均其審克
之

釋文惟來馬本作求云有求請賕也史記周本紀云

五過之疵官獄內獄閱實其罪惟鈞蓋約其義言之
言五過之疵有此五者必閱實乃罪之否則赦之故
又曰其過

五刑之疑有赦五罰之疑有赦

言五過不犯此五者則所謂刑疑罰疑也鄭注以爲
過不赦非是

簡孚有宗惟貌有稽無簡不聽具嚴天威

史記孚皆訓信說文緇旄絲也周書曰惟緇有稽史
記作惟訊有稽無簡不疑簡誠也言五過之疑必誠
信於衆無微不察故訊於衆而自察之然後入於疑

而赦之無其誠不可以信於衆則無其誠不可以入
於疑疑與信相反而一以誠誠卽情也史記具訓共
今本疑作聽蓋據王制改恐非經義作緇作疑是
墨辟疑赦其罰百鍰

史記墨訓黥鍰作率索隱馬融曰鈔量名與呂刑鍰
同舊本率亦作邕又平準書索隱大傳作餽息戀反
其罰惟倍

史記惟倍訓倍灑徐廣曰一作五倍曰徒按此似倍
差義

上刑適輕下服下刑適重上服

後漢書劉愷傳作上刑挾輕下刑挾重

哀敬折獄

大傳引作哀矜哲獄

明啟刑書胥占咸庶中正其刑其罰

廣韻咸悉也咸庶中句明石刑書相占驗詳悉庶成
獄之得中者以正其刑罰

民之亂罔不中聽獄之兩辭無或私家于獄之兩辭

罔不中句家當作嫁賣也高誘戰國策注

永畏惟罰非天不中惟人在命天罰不極

非天絕句不中惟人句命天二字宜作天命在天命

罰不極句二字石經亦作在命天

嗣孫今往何監非德于民之中

今往句何監非德句

屬于五極

書言五極猶詩言五際屬際皆會也

文侯之命

昭升于上敷聞在下

史記晉世家升訓登敷訓布

集厥命于文王

史記文王作文武

閔予小子嗣造天丕愆

閔予小子嗣句造天丕愆句

卽我御事罔或者壽俊在厥服

漢書成紀引作卽我御事罔克者壽咎在厥躬蓋約

經文言之或據以改經誤

有績予一人

史記續訓繼

其歸視爾師

三字石經爾師作乃師

盧弓一盧矢百

三字石經盧作旅

簡恤爾都

三字石經簡作東

秦誓

若非云來

正義員卽云也是正義本作員

惟古之謀人則曰未就予忌

說文𦵏毒也周書曰來就𦵏𦵏下當有脫文杜預左傳楚人𦵏之脫扁注𦵏敎也此亦當有敎也二字未蓋來字之誤言來就子敎孟子曰欲有謀焉則就之

雖則云然尚猷詞茲黃髮則罔所愆

漢書韋賢傳引作雖則員然猷作猶

惟截截善諛言俾君子易辭我皇多有之

公羊傳作譏譏善諛言俾君子易怠而況乎我多有
之說文言部諛言便巧言也周書曰截截善諛言論
語曰友諛佞戈部戔誠也周書曰戔戔巧言釋文截
截才節反馬云辭語截削省要也是截截爲古文戔
戔爲今文矣又諛音辨徐敷連反又甫淺反馬本作
偏云少也辭約損明大辨佞之人易辭罷易怠是
斷斷猗無他技

說文斲古文作𠂔从貞𠂔古文𠂔字周書曰𠂔𠂔猗
無他技